

"Kid Fenton" honrá como boxeador di década

ORANJESTAD-Comemorando e hecho cu Sr. Harry Croes a cumpli 30 añ di dedicacion na boxeo, un comision a wordo formá pa celebrá e hecho aki. E comision consistiendo di fanáticonan y amigonan di boxeo a traha un programa pa celebrá e aniversario aki di Sr. Harry Croes.

Un breve historia di Harry Croes den boxeo local y internacional.

Na edad relativamente hoben Harry a cuminsá su carrera boxístico amateur y despues a pasa pa profesional. Tabata dia cuater di April 1964 cu el a bringa su promé pelea amateur, algun año despues el a bira profesional, despues referee di boxeo amateur y referee profesional. Na año 1987 Harry Croes a bira referee y huez di boxeo internacional di Consejo Mundial di Boxeo y asina tambe a bira e promé Arubano cu "badge" di boxeo mundial.

Sr. Harry Croes tabata referee y huez di varios pelea mundial e.o. na Jamaica, Trinidad, Guyana, California, Mexico, Guadalupe, Irlanda y a atendé varios convencion di boxeo na Inglaterra, Mexico, Thailandia, Tennesse, Las Vegas, Jamaica y Aruba mes.

Pa Harry Croes logra yega te na mundial den boxeo el a haña yudanza y cooperacion di varios persona aki na Aruba y internacionalmente. For di amateur caba el a wordo yudá pa varios persona y te awe como referee/huez mundial e ta hañando tur clase di cooperacion.

Na e ocasion di 30 añ den mundo boxístico, e comision a traha un programa pa recordá algun persona den mundo di boxeo y alavez cu a yuda pone Aruba su nomber mundialmente reconoci den boxeo.

Un di e personanan aki ta, Sr. Armando Fenton mihor conoci como "Kid Fenton", kende tin un trayectoria hopi largo den boxeo amateur y profesional cu un record di 67 pelea. E Comision Celebracion 30 Aña den Boxeo a decidí cu lo honra "Kid Fenton" como boxeador di década.

"Kid Fenton" ta un di e grandinan den boxeo local huntu cu e.o. "Sugar Boy Nando", "Siki", Efi Croes, Rey Carpenter, "John Bill", "Kid Zosal", "Kid Peligroso" y varios otro boxeadores grandi cu Aruba a yega di produci. Plan di e comision ta pa tur año honra un of mas boxeador di pasado segun nan mérito. Diasabra dos di April último tabatin un brindis na cas di Sr. Harry Croes, caminda a honra "Kid Fenton" como boxeador di década.

"Kid Fenton" a cuminsá su carrera boxístico na edad hoben y a terminá su exitoso carrera na edad di 38 años. "Kid Fenton" a bringa 67 combate, el a gana 29 pa knock-out, empatá un par, gana varios pa punto y a perde ocho combate. "Kid Fenton" a enfrentá e.o. "Colorado Kid", Sam Langford, "Holly Mims, Pedro Miranda, Jack Johnson, J.C. Ponder, "Papa Diamante Negro", "Sugar Boy Nando" y hopi otro mas.

"Kid Fenton" a retirá di boxeo na año 1973 despues di a bringa cu Tony St. Jago di Santo Domingo den un pelea cu a terminá empatá. Sr. Armando Fenton ta empleá cerca Henry Christina como "bodyman" di Avis Car Rental pa mas di 17 años caba.

Fenton ta casá cu Norma y ta tata di dos jiu. E mihor pelea di "Kid Fenton" tabata contra "Sugar Boy Nando". E entrenadornan di "Kid Fenton" tabata e rumanan Holman. □

Giovanni Coco y Willy Chavez a destacá den weganan di fin di siman

SOCOTORO-Diasabra anochi e campeonato di basketball hubenil a continuá riba e cancha di Aruba Jrs na Socotoro cu tres interesante encuentro.

E promé encuentro di anochi tabata den e division Cadet Mucha Hombler y a bai entre Video One

tabata den e categoría di Cadet Mucha Hombler y a bai entre Scuba Aruba Dolphins Aruba Jrs y McDonald Aruba Jrs, pues na bataya di club y di Socotoro.

Den e promé periodo e dos equiponan a hiba un bataya formal cu otro y no tabatin mucho diferencia.

E equipo aki cu año pasá tabata un di e gran favoritos na pa e título di campeón, te ainda no por a haña su ritmo di wega pero Diasabra anochi si esaki tabata e caso. Den un tremendo wega Ling & Sons a bin logra un victoria cu anotacion di 43-38 riba Master Cargo Roosters YMCA cu



Estrella y Tee & Things Stars Noord Central.

E promé periodo ningun di e dos equiponan tabata efectivo den e parti ofensivo pero Video One a logra di saca un leve ventaha di 5-2 na final di e periodo aki.

Den di dos periodo a bin un leve mehoranza y akinan e equipo di Noord Central a reaccioná mucho mas mihor cu tabata e caso den e promé tempo y e público a haña un wega mas nivelá pa mira. E equiponan a anotá shete punto pa banda den e periodo aki y e score final a bin bira 12-9 na favor di Video One Estrella.

E mihor anotadora pa Video One a bira Elaine Britten kende a logra cuater punto mientras cu Antjie Zievinger a logra tres punto pa Tee's & Things Stars.

E di dos wega di anochi

Tabatin un intercambio di punto basta formal pero Scuba Aruba a bin terminá e periodo aki cu un leve ventaha di 13-12.

Den di dos periodo e situacion a cambia caminda Scuba Aruba a presioná mucho mas y a logra di haña su ritmo di wega rápido pa alehá for di e equipo di McDonald.

E score final a bin bira 37-27 na favor di Scuba Aruba Dolphins caminda Willy Chavez tabata factor importante pa e ganador logrando un total di 17 punto.

Pa e equipo di McDonald Aruba Jrs, nos ta haña cu Edgard Martis a logra anotá 11 punto.

GIOVANNI COCO

Ling & Sons Chinese Club porfin a bin logra su promé victoria di e campeonato den e division Junioren Mucha Hombler.

otro tremendo actuacion di e hoben Giovanni Coco.

E hoben aki ta e gran talento di Chinese Club e año aki y den casi tur e weganan di su club te cu awor, Giovanni tabata e mihor, trahando duro pa trata na duna su equipo su promé victoria.

Den e promé tempo di e wega, e dos equiponan tabata masha balanzá cu otro y no por a mira mucho diferencia y e periodo aki a bin terminá empatá na 17 punto.

Den di dos periodo Ling & Sons tras di e tremendo actuacion di Giovanni Coco, a bin habri un ventaha chiquito cual e equipo a bin logra na mantené te final pa bin gana cu anotacion di 43-38.

Giovanni Coco a logra 19 punto pa Ling & Sons Chinese Club mientras cu pa Master Cargo Roosters YMCA tabata e hoben Dayger Cruz kende a logra anotá 13 punto. □

ALFA'S AND GABBY'S
SPORTSHOP

B.v.d. Zeppenfeldstraat 59 Tel. 45128 - 45098

SAN NICOLAS

*We are the best and we have
the best for those who want the best
and above all
the best in prices.*